



重刊巢氏諸病源候總論卷之三十四

瘰癧病諸候

凡三十五論

諸瘰癧候

諸瘰癧者謂瘰癧病初發之由不同至於瘰癧成形狀亦異有以一方而治之者故名諸瘰癧非是諸病共成一瘰癧也而方說九瘰癧者是狼瘰鼠瘰蜂瘰蝻瘰蟻瘰浮疽瘰癧瘰癧瘰癧轉脉瘰此頸之九瘰也 狼瘰者年少之時不自謹慎或大怒氣上不下之所生也始發之時在於頸項有根出缺盆上轉連耳本其根在肝 鼠瘰者飲食之時不擇蟲蛆變化所生也使入寒熱其根在肺 蝻瘰者食果蔬子不避有蟲即便噉之外絕於網內絕於腸有毒不去變化所生也始發之時在於頸上狀如蝸形癭胗而出也其根在大腸 蜂瘰

者食飲勞倦渴之多飲流水即得蜂毒不去變化所生也始發之時其根在頸歷歷三四處俱腫以潰生瘡狀如癰形瘡而復移其根在脾 此蜂瘻者因寒腹中臃脹所得寒毒不去變化所生也始發之時在其頸項使人壯熱若傷寒有似疥癬毒孔出其根在肺 蟻螞瘻者恐懼愁憂思慮哭泣不止餘毒變化所生也始發之時在其頸項無頭尾如棗核或移動皮中使人寒熱心滿其根在心 浮疽瘻者因志結馳思往反變化所生也始發之時在於頸亦在掖下如兩指無頭尾使人寒熱欲嘔吐其根在膽 瘰癧瘻者因強力入水坐濕地或新沐浴汗入頭中流在頸上之所生也始發之時在其頸項有膿使人寒熱其根在腎 轉脈瘻者因飲酒大醉夜卧不安驚欲嘔轉側失枕之所生也始發之時在其頸項灌脈轉身如振使人寒熱其根在小腸 復有二十

六種瘻方不可次第顯其名而有蜣螂蛆等諸瘻非九瘻之名此即應是三十六種瘻之數也但瘻病之生或因寒暑不調故血氣壅結所作或由飲食乖節狼鼠之精入於府藏毒流經脈變化而生皆能使血脈結聚寒熱相交久則成膿而潰漏也其生身躰皮肉者亦有始結腫與石癰相似所可異者其腫之中按之累累有數脈喜發於頸邊或兩邊俱起便是瘻證也亦發兩掖下及兩顛顛間初作甚不痛不熱若失時治即生寒熱也所發之處而有輕重重者有兩種一則發口上噤有結核大小無定或如桃李大此蟲之窠窟止在其中一則發口之下無有結核而穿潰成瘡又蟲毒之居或府藏無定故瘻發身躰亦有數處其相應通者多死其瘻形狀起發之由今辯於後章

養生方云六月初食自落地五果經宿此蜂螻蛄蜣螂遊止

喜為九瘦

又云十一月勿食狗鼠殘肉生瘡及瘦出頸項及口裏或生咽內

鼠瘦候

鼠瘦者由飲食不擇蟲蛆毒變化入於府藏出於脉稽留脉內而不去使人寒熱其根在肺出於頸掖之間其浮於脉中而未內著於肌肉而外為膿血者易去也決其生死者反其目視之其中有赤脉從上下貫瞳子見一脉一歲死見一脉半一歲半死見二脉二歲死見二脉半一歲半死見三脉三歲死赤脉而不下貫瞳子可治也

養生方云正月勿食鼠殘食作鼠瘦發於頸項或毒入腹下血不止或口生瘡如有蟲食

蜂瘦候

蜂瘦者由飲食勞倦渴乏多飲流水即得蜂毒流入於藏其根在脾出發於頸項歷歷三四處或累累四五處蜂毒或發曾前俱腫以漬生瘡狀如癰形瘥而復移

蟻瘦候

蟻瘦者由飲食有蟻精氣毒入於五藏流出經絡多者頸項戢戢然小腫核細乃遍身軀

蚰蝓瘦候

蚰蝓瘦者由飲食內有蚰蝓毒氣入於藏流於經脉使身寒似傷寒腹虛臃脹其根在肺發於頸項如疥癬婁婁孔出初生痒搔之生痕不治一百日生蚰蝓瘦

蠅瘦候

此由飲食內有蠅窠子因誤食之入於腸胃流注入血脉變化生瘦發於頸下初生痒而如蠅窠子狀使人寒熱久其

中化生蠅也

蠅蝱瘻候

蠅蝱瘻者由食果蔬子不避有蟲即便噉之有蟲毒氣入於腹內外發於頸其根在大腸初生之時其狀如風矢亦如蝸形癭胗而痒搔之則引大如四寸更其中生道乃有數十中生蠅蝱亦有十數不治二年殺人

蠅蝱瘻候

此由恐懼愁憂思慮哭泣不止氣毒变化所生內動藏外藏於頸項其根在心又方根在膀胱初生之時無頭尾腫如棗核或移動皮肉使人寒熱心滿狀似蜂瘻而深坎蜂瘻則高而圓蠅蝱瘻方五寸作坑邊有唇畔而痒搔之則引大如六寸更疼痛日夜令人呻號三年生孔道乃有十數中生蠅蝱乃有百數不治五年殺人

鵬鳥鶴瘻候

鵬鳥鶴瘻者初腫如覆手疼痛一年生孔道數十處黃水出二年化生鵬鳥首而生口鼻是也

鵬鳥瘻候

人皆有五口在人腹內發動令心腹脹氣息喘急衝擊心胃攻刺脇肋因而寒熱頸掖之下結瘰癧膿潰成瘻時還衝擊腹內則脹痛腰脊牽急是也

風瘻候

此由風邪在經脈經脈結聚所成或諸瘡得風不即瘥亦作其瘡得風者是因瘡遇冷膿汁不盡乃成也其風在經脈者初生之時其狀如腫有似覆手搔之則皮脫赤汁出而腫亦減漸漸生根結實且附骨間不知首尾即潰成瘻若至五六十日不消不潰變成石腫名爲石癧久久不治令寒熱惡氣入

腹絕悶刺心及咽項悉皆腫經一年不治者死

鞠瘦候

腫痛初生癰如大桃狀亦如瘤膿潰為瘡不治成石瘦化生
鞠作窠傍行世呼為石鞠瘦

蜣螂瘦候

此由飲食居處有蜣螂毒氣入於藏府流於經脈所生也初
生之時其狀如鼠竅直下腫如覆手而痒搔之疼痺至百日
有十八竅深三寸中生蜣螂乃有一百數蜣螂成尾自覆刺
人大如手血升至三二年殺人

骨疽瘦候

骨疽瘦者或寒熱之氣搏經脈所成或蟲蛆之氣因飲食入
人府藏所生以其膿潰侵食於骨故名骨疽瘦也初腫後乃
潰成而還合邊傍更生如是或六七度中有膿血至日西痛

經如有針刺

蚯蚓瘦候

蚯蚓瘦者由居處飲食有蚯蚓之氣或飲食入腹內流於經
脈所生其根在大腸其狀腫核潰漏

花瘦候

花瘦者風濕客於皮膚與血氣相搏因而成瘡風濕氣多其
肉突出外如花開之狀世謂之反花瘡不瘥生蟲成瘦故謂
之花瘦也

蠍瘦候

此由飲食居處有蝎蟲毒氣入於府藏流於經脈或生掖下
或生頸邊腫起如蝎蟲之形寒熱而潰成瘦久則瘡裏生細
蠍蟲也

耗瘦候

耗瘦者由飲食居處有耗蟲毒氣入於府藏流於經脉變七而生者面頰邊即脫肉結腫初如耗蟲之窠後潰成瘻而耗生是也

腦瘦候

腦瘦者頭頸逐氣上下疼痛而後腦瘦

癰瘦候

癰瘦者是癰潰瘡後其不瘥膿汁不盡因變生蟲成瘻故為癰瘦也

楸瘦候

楸瘦者其瘡橫闊作頭狀如杏子形亦似瘰癧處出血是也

蟲瘦候

諸瘦皆有蟲而此獨以蟲為名者是諸瘡初本無蟲經久不瘥而變生蟲故以為名也

石瘦候

石瘦之狀初起兩頭如梅李核鞣實按之強如石而寒熱熱後潰成瘻是也

蛙瘦候

此由飲食居處有蛙之毒氣入於府藏流經脉而成瘻因服藥隨小便出物狀似蛙形是也

蝦蟆瘦候

此由飲食有蝦蟆之毒氣入於府藏流於經脉結腫寒熱因潰成瘻服藥有物隨小便出如蝦蟆之狀故謂之蝦蟆瘦也

蛇瘦候

蛇瘦者由居處飲食有蛇毒氣入於府藏流於經脉寒熱結腫出處無定因潰成瘻服藥有物隨小便出如蛇形狀謂之蛇瘦

蝻蠹瘦候

蝻蠹瘦者由居處飲食有蝻蠹毒氣入府藏流於經脈所生初得之時如棗核許戾契或滿百日或滿周年走不定一處成竅而膿汁潰瘦也故謂之蝻蠹瘦

赤白瘦候

人有患瘡色赤白分明因而成瘦謂之赤白瘦

內瘦候

人有發瘡色黑有結內有膿久乃積生侵食筋骨謂之內瘦

雀瘦候

此由居處飲食有雀毒氣入於藏流於脈發無定處腫因潰成瘦服藥有物隨小便出狀如雀髮故謂之雀瘦

膿瘦候

諸瘦皆有膿汁此瘦獨以膿為名者是諸瘡久不瘥成瘦而

重為熱毒氣停積生膿常不絕故謂之膿瘦也

冷瘦候

冷瘦者亦是謂瘡得風冷久不瘥因成瘦膿汁不絕故為冷瘦也

久瘦候

久瘦者是諸瘦連滯經久不瘥或暫瘥復發或移易三兩處更相應通故為久瘦也

瘰癧瘦候

此由風邪毒氣客於肌肉隨虛處而停結為瘰癧或如梅李棗核等大小兩三相連在皮間而時發寒熱是也久則變膿潰成瘦也其湯熨針石別有正方補養宣導今附於後
養生方導引法云踞踞以兩手從曲脚入據地由脚加其上舉尻其可用行氣愈瘰癧乳痛

癩瘰候

癩病之狀陰核腫大有時小歇歇時終大於常勞冷陰而發發則脹大使入腰背牽急身體惡寒骨節沉重此病由於損腎也足少陰之經腎之脈也其氣下通於陰陰宗脈之所聚積陰之氣也勞傷卒重傷於少陰之經其氣不衝於陰氣脹不通故成癩也其湯熨針石別有正方補養宣導今附於後

養生方導引法云正偃卧直兩手兩足念月所在令赤如油囊丹除癩少腹重不便腹中熱但口內氣息出之數十不須小咽氣即腸中不熱者七息已溫熱咽之十數

痔病諸候

凡六論

諸痔候

諸痔者謂牡痔牝痔脈痔腸痔血痔也其形證各條如後竟又有酒痔肛邊生瘡亦有血出又有氣痔大便難而血出肛亦出外良久不肯入諸痔皆由傷風房室不慎醉飽合陰陽致勞擾血氣而經脈流溢滲漏腸間衝發下部有一方而治之者名爲諸痔非爲諸病共成一痔痔久不瘥亦爲瘰也養生方云忍大便不出久作氣痔其湯熨針石別有正方補養宣導今附於後

養生方導引法云一足踏地一足屈膝兩手抱積鼻下急挽向身極勢左右換易四七去痔五勞三里氣不下

又云踞坐台兩膝張兩足不息兩通治五痔 又云兩手抱

足頭不動足向口受氣衆節氣散來去二七欲得捉左右側身各急挽腰不動去四支腰上下髓內冷血冷筋急悶痔

又云兩足相踏向陰端急蹙將兩手捧膝頭兩向極勢捧之

二七竟身側兩向取勢二七前後努腰七去八勞痔病

牡痔候

肛邊生鼠乳出在外者時時出膿血者是也

牝痔候

肛邊腫生瘡而出血者牝痔

脉痔候

肛邊生瘡痒而復痛出血者脉痔也

腸痔候

肛邊腫核痛發寒熱而血出者腸痔也

血痔候

因便而清血隨出者血痔也

重刊巢氏諸病源候總論卷之三十四

重刊巢氏諸病源候總論卷之三十五

瘡病諸候

凡六十五論

頭面身體諸瘡候

夫內熱外虛為風濕所乘則生瘡所以然者肺主氣候於皮毛脾主肌肉氣虛則膚腠開為風濕所乘內熱則脾氣溫脾氣溫則肌肉生熱也濕熱相搏故頭面身體皆生瘡其瘡初如炮頭更生汁熱盛者則變為膿隨瘡隨發

頭面身體諸久瘡候

諸久瘡者內熱外虛為風濕所乘則頭面身體生瘡其藏內執實氣盛熱結肌肉其熱留滯不歇故瘡經久不瘥

諸惡瘡候

諸瘡生身體皆是體虛受風熱風熱與血氣相搏故發瘡若

風熱挾濕毒之氣者則瘡痒痛焮腫而瘡多汁身體壯熱謂之惡瘡也

養生方云銅器盥食汁入食發惡瘡內疽也

又云醉而交接或致惡瘡 又云飲酒熱未解以冷水洗面

令惡瘡輕者敲炮 又云五月五日取棗葉三升并華水擣

取汁浴永不生惡瘡 又云并華水和粉洗足不病惡瘡其

湯射針石別有正方補養宣導今附於後

養生方導引法云龍行氣叩頭下視不息十二通愈風疥惡

瘡熱不能入

又云五月一日八月二日九月九日十月七日十一月四日

十二月十二日沐浴除惡瘡

久惡瘡候

夫體虛受風熱濕毒之氣則生瘡痒痛焮腫多汁壯熱謂之

惡瘡而濕毒氣盛體外虛內熱其瘡漸增經久不瘥為久惡瘡

癩瘡候

癩瘡者由膚腠虛風濕之氣折於血氣結聚所生多著手足

間逆相對如新生菜莖子痛痒爪搔成瘡黃汁出浸淫生長

折裂時瘥時劇變化生蟲故名癩瘡

燥癩瘡候

膚腠虛風濕搏於血氣則生癩瘡若濕氣少風氣多者其癩

則乾燥但痒搔之白屑出乾枯折痛此蟲毒氣淺在皮膚故

名燥癩瘡也

濕癩瘡候

膚腠虛風濕搏於血氣生癩瘡若風氣少濕氣多其瘡痛痒

搔之汁出常濡濕者此蟲毒氣深在於肌肉內故也

久爛瘡候

癩瘡積久不瘥者由膚腠虛則風濕之氣停滯蟲在肌肉之間則生長常痒痛故經久不瘥

癬候

癬病之狀皮肉隱胗如錢文漸漸增長或圓或斜痒痛有匡郭裏生蟲搔之有汁此肉風濕邪氣客於腠理復值寒濕與血氣相搏則血氣不澀發此疾

按九蟲論云蟻蟲在人腸內變化多端發動亦能為癬而癬內實有蟲也

養生方云夏勿露面卧露下墮面皮厚及喜成癬

乾癬候

乾癬但有匡郭皮枯索痒搔之白屑出是也皆是風濕邪氣客於腠理復值寒濕與血氣相搏所生若其風毒氣多濕氣

癩病

少故風沈入深故無汁為乾癬也其中亦生蟲

濕癬候

濕癬者亦有匡郭如蟲行浸淫赤濕痒搔之多汁成瘡是其風毒氣淺温多風少故為濕癬也其裏亦有蟲

風癬候

風癬是惡風冷氣客於皮折於血氣所生亦作圓文匡郭但抓搔頑痺不知痛痒其裏亦有蟲

白癬候

白癬之狀白色碎碎然而痒此亦是腠理虛受風風與氣并血澀而不能榮肌肉故也

牛癬候

俗云以盆器盛水飲牛用其餘水洗手面即生癬名牛癬其狀皮厚抓之勒強而痒是也其裏亦生蟲

圓癬候

圓癬之狀作圓文隱起四畔赤亦痒痛是也其裏亦生蟲

狗癬候

俗云狗舐之水用洗手面即生癬其狀微白點綴相連亦微痒是也其裏亦生蟲

雀眼癬候

雀眼癬亦是風濕所生其文細似雀眼故謂之雀眼癬搔之亦痒中亦生蟲

刀癬候

俗云以磨刀水用洗手面而生癬名為刀癬其形無匡郭縱斜無定是也中亦生蟲

久癬候

久癬是諸癬有蟲而經久不瘥者也癬病之狀皮肉隱疹如

錢文漸漸增長或圓或斜痒痛有匡郭搔之有汗又有乾癬枯索痒搔之白屑出又有濕癬如蟲行浸淫赤濕痒瘙之多汗又有風癬搔抓頑痺不知痛痒又有牛癬因飲牛餘水得之其狀皮厚抓之鞣強又有圓癬作圓文隱起四面赤又有狗癬因以狗舐餘水洗手面得之其狀微白點綴相連亦微痒又有雀眼癬作細文似雀眼搔之亦痒痛又有刀癬因以磨刀水洗手面得之其狀無匡郭縱邪無定如此之癬初得或因風濕客於肌膚折於血氣所生或因用牛狗所飲餘水洗手面得之至其病成皆有蟲侵食轉深連滯不瘥故成久癬

疥候

疥者有數種有大疥有馬疥有水疥有乾疥有濕疥多生手足乃至遍躰大疥者作瘡有膿汁焮赤痒痛是也馬疥者皮

曰隱嶙非作根蟻搔之不知痛此二者則重水疥者痞癩如
小瘰癧潰破有水出此一種小輕乾疥者但痒搔之皮起作
乾痂濕疥者小瘡皮薄常有汁出並皆有蟲人往往以針頭
挑得狀如水內癩蟲此悉由皮膚受風邪熱氣所致也
按九蟲論云蟻蟲多所變化多端或作癩疥痔瘻無所不為
其湯熨針石別有止方補養官導今附於後
養生方導引法云龍行氣叩頭下視不息十二通愈風疥惡
瘡熱不能入

乾疥候

此乾疥但痒搔之皮起作乾痂此風熱氣深在肌肉間故也

濕疥候

濕疥起小瘡皮薄常有水汁出此風熱氣淺在皮膚間故也

熱瘡候

諸陽氣在表陽氣盛則表熱因運動勞役腠理則虛而開為
風邪所客風熱相搏留於皮膚則生瘡初作瘰癧漿黃汁出風
多則痒熱多則痛血氣乘之則多膿血故名熱瘡也

冷瘡候

凡身體發瘡皆由是風熱所為然血虛者亦傷於邪若重觸風
寒則冷氣入於瘡令血澀不行其瘡則頑令不知痛痒亦經
久難瘥方名為冷瘡

疽瘡候

此疽瘡是癰之類也非癰疽之疽也云癰疽即是此也多發
於支節脚脛間相對而作細孔如針頭其裏有蟲痒痛搔
之黃汁出隨瘡隨發皆是風邪客於皮膚血氣之所變生亦
有因諸淺瘡經久不瘥痒痛抓搔之或衣指拂之其瘡則經
久不瘥而變作疽瘡者裏皆有細蟲

甲疽候

甲疽之狀瘡皮厚甲錯剝起是也其瘡亦痒痛常欲抓搔之
汁出其初皆是風邪折於血氣所生而瘡裏亦有蟲

查疽候

查疽之狀隱胗赤起如今查樹子形是也亦是風邪客於皮
膚血氣之所變生也其瘡內有蟲亦痒痛時焮腫汁出

頑疽候

此由風濕客於皮膚血氣變隱胗生瘡痒而不痛故名頑疽

棖疽候

棖疽是諸雜瘡帶風濕苦痒數以手抓搔棖觸便侵食濶久
不瘥乃變生蟲故名棖疽

月食瘡候

月食瘡生於兩耳及鼻面間并下部諸孔竅側侵食乃至筋

骨月初則瘡盛月末則瘡衰以其隨月生因名之為月食瘡
也又小兒耳下生瘡亦名月食世云小兒見月以手指指之
則令病此瘡也其生諸孔竅有蟲久不瘥則變成癩也

天上病候

天上病者人神采昏塞身體沈重下部生瘡上食五臟甚者
至死世人隱避其名故云天上病也此是腑臟虛腸胃之間
蟲動侵食人五臟故也

甜瘡候

甜瘡生面上不痒不痛常有肥汁出汁所溜處隨即成瘡亦
生身上小兒多患之亦是風濕搏於血氣所生以其不痒不
痛故名甜瘡

浸淫瘡候

浸淫瘡是心家有風熱發於肌膚初生甚小先痒後痛而成

瘡汁出侵潰肌肉浸淫漸潤乃徧體其瘡若從口出流散四肢者則輕若從四肢生然後入口者則重以其漸漸增長因名浸淫也

反花瘡候

反花瘡者由風毒相搏所為初生如飯粒其頭破則血出便生惡肉漸大有根膿汁出肉反散如花狀因名反花瘡凡諸惡瘡久不瘥者亦惡肉反出如反花形

瘡建候

人身上患諸瘡熱氣盛者腫焮痛附畔別結聚狀如瘰癧者名為瘡建亦名瘡根也

王爛瘡候

王爛瘡者由肺臟實熱皮膚虛而受風濕與熱相搏故初起作瘰癧漸漸王爛汁流浸潰爛故名王爛也亦名王灼瘡其

初作燥漿如湯火所灼也又名洪爛瘡初生如沸湯洒作瘰癧聚赤爛如火燭故名洪爛也

白頭瘡候

白頭瘡者由體虛帶風熱遍身生瘡瘡似大疥痒漸白頭而有膿四邊赤疼痛是也

無名瘡候

此瘡非癰非疽非癬非疥狀如惡瘡或痒或劇人不能名故名無名瘡也此亦是風熱搏於血氣所生也

猪灰瘡候

猪灰瘡者坐處生瘡赤黑有竅深如火且許四邊青中央并作曰陷而不甚痛狀如猪灰因以為名此亦是風熱搏於血氣所生也

不痛瘡候

諸瘡久不瘥觸風冷有惡肉則搔針灸不覺痛因以不痛為名

鴈瘡候

鴈瘡者其狀生於體上如濕癬癰瘍多著四支乃遍身其瘡大而熱疼痛得此瘡者常在春秋二月八月鴈來時則發鴈去時便瘥故以為名亦鴈過荆漢之域多有此病

蜂窠瘡候

其瘡如疽癰之類有小孔象於蜂窠因以為名此亦風濕搏於血氣之所生也

斷咽瘡候

此瘡繞頸而生皮傷赤若而頸則害人此亦是風濕搏於血氣之所生也

毒瘡候

此由風氣相搏變成熱毒而生瘡於指節或指頭初似疥其痒經宿乃紫黑也

瓠毒瘡候

俗云人有用瓠花上露水以洗手遇毒即作瘡因以名之

晦瘡候

其瘡生目兩兩相對頭戴白膿俗云人有誤小便故竈處即生此瘡小兒多患也

集瘡候

此瘡十數箇集生一處因以為名亦是皮膚偏有虛處風濕搏於血氣變生

屋食瘡候

方云犯屋示所為未詳其形狀

烏啄瘡候

烏啄瘡四畔起中央空是也此亦是風濕搏於血氣之所變
生以其如鳥鳥所啄因以名之也

攝領瘡候

攝領瘡如癬之類生於頸上痒痛衣領拂着即劇云是衣領
指所作故名攝領瘡也

雞督瘡候

雞督瘡生脇傍此瘡亦是風濕搏於血氣之所變生以其形
似雞屎因以為名也

斷耳瘡候

斷耳瘡生於耳邊久不瘥耳乃取斷此亦月食之類但不隨
月生長為異此瘡亦是風濕搏血氣所生以其斷耳因以為
名也

新婦瘡候

此瘡狀繞腰生如蠅螻疥但不痛為異耳此瘡亦是風濕搏
血氣所生而世人呼之為新婦瘡也

土風瘡候

土風瘡狀如風疹而頭破不發下瘡此由肌腠虛疎風塵入
於皮膚故也俗呼之為土風瘡

逸風瘡候

逸風瘡生則遍體狀如癬疥而痒此由風氣散逸於皮膚因
名逸風瘡也

甌帶瘡候

甌帶瘡者繞腰生此亦風濕搏血氣所生狀如甌帶因以為
名又云此瘡繞腰而則殺人

兔齧瘡候

凡疽發於脰名曰兔齧瘡一名血實瘡又隨月生死蓋月食

之類非脛瘡也尋此瘡亦風濕搏於血氣血氣實熱所生故一名血實又名兔齧者亦當以其形狀似於兔齧因以為名

血瘡候

血瘡者云諸患風濕搏血氣而生瘡其熱氣發逸瘡但出血者名為血瘡也

瘡中風寒水候

凡諸瘡生之初因風濕搏血氣發於皮膚故生也若久不瘥多中風冷水氣若中風則噤瘡中冷則難瘥中水則腫也

露敗瘡候

凡患諸瘡及惡瘡初雖因風濕搏血氣蘊結生蒸發皮肉成瘡若觸水露氣動經十數年不瘥其瘡聚黑作痂如被霜皴皮瘡肉肉似斷故名露敗瘡也

瘡惡肉候

諸瘡及癰疽皆是風濕搏血氣血氣蘊結生熱而發肌肉成瘡久不瘥者多生惡肉四邊突起而好肉不生此由毒熱未盡經絡尚壅血氣不到故也

瘡瘥復發候

諸惡瘡皆因風濕毒所生也當時雖瘥其風毒氣猶在經絡者後小勞熱或食毒物則復更發也

漆瘡候

漆有毒人有稟性畏漆但見漆便中其毒喜面痒然後背臂脛膺皆悉搔痒面為起腫繞眼微赤諸所痒處以手搔之隨手輦展起赤瘡癩瘡消已生細粟瘡甚微有中毒輕者證候如此其有重者遍身作瘡小者如麻豆大者如棗杏膿皴疼痛摘破小定有小瘥隨次更生若火燒漆其毒氣則厲著人急重亦有性自耐者終日燒煮竟不為害也

凍爛腫瘡候

嚴冬之月觸冒風雪寒毒之氣傷於肌膚血氣壅滯因即瘡凍焮赤疼腫便以凍瘡乃至皮肉爛潰重者支節墮落

夏日沸爛瘡候

盛夏之月人膚腠開易傷風熱風熱毒氣搏於皮膚則生沸瘡其狀如湯之沸輕者而而如粟粒重者熱汗浸漬成瘡因以為名世呼為沸子也

傷瘡疔病諸候

凡四論

湯火瘡候

凡被湯火燒者初慎勿以冷物及井下泥尿泥及蜜淋搗之其熱氣得冷即却深搏至骨爛人筋也所以人中湯火後喜攣縮者良由此也

灸瘡急腫痛候

夫灸瘡膿潰已後更焮腫急痛者此中風冷故也

灸瘡久不瘥候

夫灸之法中病則止病已則瘡瘥若病勢未除或中風冷故久不瘥也

針灸瘡發洪候

夫針灸皆是節穴俞募之處若病甚則風氣衝擊於瘡凡血與氣相隨而行故風乘於氣而動於血血從灸瘡處出氣盛則血不止名為發洪

重刊巢氏諸病源候總論卷之二十五

重刊巢氏諸病源候總論卷之二十六

獸毒病諸候 凡四論

馬咬躡人候

凡人被馬咬躡及馬骨所傷刺并馬韁鞵勒所傷皆為毒瘡若腫痛致煩悶是毒入腹亦斃人

馬毒入瘡候

凡人先有瘡而乘馬汗并馬毛垢及馬屎尿及坐馬皮韁並能有毒毒氣入瘡致成腫疼痛煩熱毒入腹亦斃人

獠狗咬候

凡獠狗咬人七日輒一發過二七日不發則無苦也要過百日方大免耳當終身禁食犬肉及蠶蛹食此發則死不可救矣瘡未愈之間禁食生魚猪雞臚過一年禁之乃佳但於飲

下飯蒸魚及於肥器中便發若人曾食落葵得大瘡者自難治若瘡癩十數年後食落葵便發

狗咬重發候

凡被狗咬瘡已食落葵及狗肉云雖經一二年但食此者必重發重發者與初被咬不殊其狗咬瘡重發則令人狂亂如狗之狀



蛇毒病諸候

凡五論

蛇毒候

凡中蛇不應言蛇皆言蟲及云地索勿正言其名也惡蛇之類甚多而毒有瘡劇時四月五月中青蛙三角蒼龜白頸大蝮六月七月中竹符艾蝮黑甲赤目黃口反鈎白蛙一角此皆蛇毒之猛者中人不即治多死又有赤連黃領之類復有

六七種而方不盡記其名水中黑色者名曰蠟山中一種亦相似不常聞螫人又有鈎蛇尾如鈎能倒牽人獸入水沒而食之又南方有吻蛇人忽傷之不死終身伺覓其主不置雖百人衆中亦直來取之惟遠去出百里乃免耳又有拖蛇長七八尺如船拖狀毒人必死即削取船拖煮汁漬之便瘥但蛇例雖多今皆以青條矯尾白頸艾蝮其毒尤劇大者中人若不即治一日間舉體洪腫皮肉圻爛中者尚可待二三日也凡被蛇螫第一禁第一藥無此二者有全劑雄黃麝香可預辦故山居者宜令知禁法也又惡蛇螫者人即頭解散言此蛇名黑帝其瘡冷如凍凌此大毒惡不治一日即死若頭不敷此蛇名赤帝其毒小輕瘡上冷不治故得七日死凡蛇瘡未愈禁熱食熱食便發治之依初被螫法也

蝮蛇螫候

凡蝮中人不治一日死若不早治之縱不死者多殘斷人手
足蝮蛇形乃長頭扁口尖頸斑身亦艾斑色青黑人犯之頸
腹帖著地者是也江東諸山甚多其毒最烈草行不可不慎
又有一種狀如蝮而短有四脚能跳來咬人名曰千歲蝮中
人必死然其咬人竟即跳上樹作聲云斫木者但管指具不
可救若云擣菽者猶可治吳音呼藥為菽故也

蝮螫候

虺形短而扁身亦青黑色山草自不甚多每六七月中午時
出路上喜入車轍中人車轍腹破而子出人侵晨及冒暑行
者每傾意看之其螫人亦往往有死者

青蛙蛇螫候

青蛙蛇者土綠色喜綠樹及竹上自掛與竹樹色一種人看
不覺若入林中行有落人項背者然自不傷人

而蛇無正形極大者不過四五寸世人皆呼為青條蛇言
其與枝條同色不若難覺其尾二三寸色黑者名蝮尾毒最
猛烈中人立死

蝮毒候

此是諸毒蛇身口毒盛不泄皆齧草木及吐毒者草亦上入
誤犯者此者其毒如被蛇螫不殊但瘡腫上有物如蟲蛇眼
狀以此別之名為蝮毒

雜毒病諸候

凡十四論

蜂螫候

蜂類甚多而方家不具顯其名唯地中大土蜂最有毒一螫
中人便即倒悶舉體洪腫諸藥治之皆不能卒止舊方都無
其法雖然不肯殺人有禁術封唾亦微効又有瓢蠟蜂抑亦

其六餘者猶堪

蠍螫候

此蟲五月六月毒最盛去有八節九節者彌其甚螫人毒勢流
行多至牽引四支皆痛過一周時始定

萬螫候

陶隱居去萬蟲方家亦不能的辯正去是蝦蟇子或云是小
烏蠍尾有兩歧者然皆恐非也疑即是蠍蠍尾歧而曲上故
周詩云彼都人士拳髮如蠍

蜈蚣螫候

此則百足蟲也雖復有毒而不甚螫人人誤觸之者故時有
中其毒

蜈蚣螫人候

江東及嶺南無更不有蜈蚣蜈蚣乃是兩種物蜈蚣者在草裏

蜈蚣

名為山蜈在水裏名馬蜈皆長四五寸許黑色身滑人行涉
山水即著人肉不甚痛而痒兩頭皆能啣人血血滿腹便自
脫地無其毒害蜈者無不背作文理粗澀多著龜螺殼上若
著人肉即於肉裏生子乃至十數枚經日便腫痒隱軫起久
久亦成瘡瘻

石蛭螫人候

山中草木及路上石上石蛭著人則穿齒肌皮行人肉中浸
淫起瘡多斷其道則愈凡行山草之中常以膏和塗足脛
則蛭不得著人

蝨螫候

蝨既是人養之物性非毒害之蟲然時有螫人者乃令人增
寒壯熱經時不瘥亦有因此而致斃死斯乃一時之怪異救解
之方愈

甘鼠啗候

此即鼯鼠也形小而口尖多食傷牛馬不甚痛云其口甜故名甘鼠時有啗人者

諸魚傷人候

魚類甚多其鱖鮓鮓鮓之徒鬻骨亡刺有毒傷人則腫痛

惡蠅螫候

惡蠅一名滿大如毒蟬似蝗無尾前有两角觸後則傍後觸前則却行生於樹皮內及屋壁間又喜在紙書內食似榆莢其色赤黑背橫理二月生五月熟螫人唯以三時五月六月七月尤毒初如孢狀中與紫黑入如粟粒四傍微腫赤赤或有青色者皆喜搔之若飲酒房室近不過八九日遠不過十餘日爛潰為膿汁亦殺人

狐尿刺候

云是野狐尿刺頭有人犯之者則多中於人手指足指腫痛焮熱有端居不出而着此毒者則不必是狐尿刺也蓋惡毒氣耳故方亦云惡刺毒者也

蚝蟲螫候

此則樹上蚝蟲耳故名蚝毛此毒以其毛刺能螫人蓋輒不至深斃然亦甚痛螫處作軫起者是也

蠖螋尿候

蠖螋蟲六能尿人影即令所尿之處慘痛如芒刺亦如蚝蟲所螫然後起細疔瘰作聚如菜苗子狀其疔瘰徧赤中央有白膿如粟粒亦令人皮肉拘急惡寒壯熱極者連起多着腰脅及背若繞腰匝徧者重也

入井塚泉毒氣候

凡口井塚及深坑井中多有毒氣不可輒入五月六月間最

甚以其鬱氣盛故也若事輒必須入者先下雞鴨毛試之若毛旋轉不下即是有毒便不可入

金瘡病諸候 凡二十三論

金瘡初傷候

夫被金刃所傷其瘡多有變動若按瘡邊乾急肌肉不生青黃汁出瘡邊寒清肉消臭敗前出赤血後出黑血如熟爛骨及血出不止白汁隨出如是者多凶若中絡脈髀內陰股天聰骨角橫斷腓腸乳上及與鳩尾攢毛小腹系從瘡出氣如賁豚及腦出諸瘡如是者多凶少愈診金瘡血出太多其脈虛細者生數實大者死小者生浮大者死所傷在陽處者去血四五斗脈微緩而遲者生急疾者死

金瘡血不止候

金瘡血出不斷其脈大而止者二七日死金瘡血出不可止前赤後黑或黃或白肌肉腐臭寒冷刺急者其瘡難愈亦死

金瘡內漏候

凡金瘡通內血多內漏若腹脹兩脇脹不能食者死瘀血在內腹脹脈牢大者生沈細者死

毒箭所傷候

夫被弓弩所傷若箭鏃有齒藥入人皮膚令人短氣須臾命絕口噤唇乾血為斷絕腹滿不言其人如醉未死之間為不可治若榮衛青瘀血應時出瘡邊溫熱口開能言其人乃活毒箭前有二種嶺南夷俚用焦銅作箭鏃次嶺北諸處以蛇蟲毒熬物汁着管中漬箭鏃此二種纔傷皮便洪腫沸爛而死唯射豬犬雖困得活以其噉糞故也人若中之便即食糞或飲糞汁并塗瘡即愈不爾須臾不可復救苟箭着寬處者雖

困漸治不一死若近胃腸便宜速治小緩毒入內則不可救
金瘡腸出候

此謂為矛箭所傷若中於腹則氣激氣激則腸隨瘡孔出也
金瘡腸斷候

夫金瘡腸斷者視病深淺各有死生腸一頭見者不可連也
若腹痛短氣不得飲食者大腸一日半死小腸三日死腸兩
頭見者可連續之先以針縷如法連續斷腸便取雞血塗其
際勿令氣泄即推內之腸但出不斷者當作大麥粥取其汁
持洗腸以水漬內之當作研米粥飲之二十餘日稍作強糜
食之百日後乃可進飲耳飽食者令人腸痛決漏常服錢膏
散若腸腹腫脹從瘡出有死者有生者但視病取之各有吉
凶腸出如手其下牢核煩滿短氣發作有時不過三日必死
腸下不留安足不煩喘息如故但瘡痛者當以生絲縷繫之

其血瘰當令一宿乃可截之勿閉其口膏稍道其

金瘡筋急相引痛不得屈伸候

夫金瘡愈已後肌肉充滿不得屈伸者此由傷絕經筋榮衛
不得循行也其瘡雖愈筋急不得屈伸也

金瘡傷筋斷骨候

夫金瘡始傷之時半傷其筋榮衛不通其瘡雖愈台後仍公
痺不仁也若被瘡截斷諸解身軀肘中及腕膝解若踝際亦
可連續須急及熱其血氣未寒碎骨使更縫連其愈後直不
屈伸若碎骨不去令人痛煩膿血不絕不絕者不得安諸中
傷人神十死一生

箭鏃金刃入肉及骨不出候

箭鏃金刃中骨骨破碎者須令箭鏃出仍應除碎骨盡乃傳
藥不爾瘡永不合縱合常疼痛若更犯觸損傷便驚血沸漬

有死者

金瘡中風痙候

夫金瘡痙者此由血脉虛竭飲食未復未滿月日榮衛傷穿風氣得入五藏受寒則痙其狀口急背直搖頭馬鳴腰為反折須臾十發氣息如絕汗出如雨不及時救者皆死凡金瘡卒無汁者中風也邊自出黃汁者中水也並欲作痙急治之又痛不在瘡處者傷經絡亦死

金瘡驚悸候

夫金瘡驚悸者此由驚悸動起漿沸跳手大者如盂小者如盃各為盜血此由肌未定裏不滿因作勞起早故令盜血涌出在人皮中不肯自消亦不成膿反牢核又有加血加血者盜血之病也其血凝深不可妄破破之者盜血前出不可禁止加血追之出即滿瘡中便留止令人短氣瀆更命絕

金瘡因交接血驚出候

夫金瘡多傷經絡去血損氣其瘡未瘳則血氣尚虛若因而房室致情意感動陰陽發泄驚觸於瘡故血汁重出

金瘡驚悸候

金瘡失血多者必驚悸以其損於心故也心主血血虛則心守不安心守不安則喜驚悸者心動也

金瘡煩候

金瘡損傷血氣經絡空虛則生熱熱則煩痛不安也

金瘡欬候

金瘡傷血損氣氣者肺之所主風邪中於肺故欬也

金瘡渴候

夫金瘡失血則經絡空竭津液不足腎臟虛燥故渴也

金瘡蟲出候

夫金瘡久不瘥及裹縛不如法瘡內敗壞故生蟲也

金瘡着風候

夫金瘡乾無汁亦不大腫者中風也寒氣得大深者至藏便
發作瘰多凶少愈中水者則腫多汁或成膿

金瘡着風腫候

此由瘡着於風風氣相搏故腫也

金瘡成癰腫候

夫金瘡冬月之時衣厚絮温故畏欲薄夏月之時衣單日涼
故畏欲厚重寒傷榮重熱傷衛筋勞結急肉勞驚腫骨勞折
沸難可在伸血脉勞者變化作膿榮衛不通留結成癰凡始
縫其瘡各有縱橫雞舌隔角橫不相當縫亦有法當次陰陽
上下逆順急緩相望陽者附陰陰者附陽腠理皮膚復令復
常但亦不曉略作一行陰陽閉塞不必作膿榮衛不通留結

為癰晝夜不臥語言不同碎骨不去其人必凶雞舌隔角旁
不相當頭毛解脫忘失故常瘡不再縫膏不再漿

金瘡中風水候

夫金瘡裹縛不密為風水氣所中則疼痛不止而腫青黃汁

金瘡下血虛竭候

金刃中於經絡者下血必多腑臟空虛津液竭少無血氣榮
養故須補之

金瘡久不瘥候

夫金瘡有久不瘥者膿汁不絕肌肉不生者其瘡內有破骨
斷筋伏血腐肉缺刃竹刺久而不出令瘡不愈喜出青汁當
破出之瘡則愈



腕傷病諸候

凡九論

被打頭破腦出候

夫被打陷骨傷頭腦眩不舉戴眼直視口不能語咽中沸聲如純子喘口急手為妄取日不死三日小

腕折破骨傷筋候

凡人傷折之法即夜盜汗者此髓斷也七日死不汗者不死卒被損瘀血候

夫有瘀血者其人喜忘不欲聞物聲病人曾滿唇萎子青口燥但欲漱水不欲咽無熱脉微大來遲腹不滿其人言我腹滿為有瘀血汗當出不出內結亦為瘀病人曾滿口乾臍痛渴無寒熱為弱瘀血腹滿口燥不渴唾如漿狀此有留血爾從高頓仆內有血腹脹滿其脉牢強者生小弱者死得營掠內有結血脉實大者生虛小者死其湯熨針石別有正方補養旨導今附於後

養生方

養生方導引法云端坐生腰舉左手仰掌以右手承右脇以鼻內氣自極七息除瘀血結氣 又云鼻內口閉有極七息除兩脇下積血氣 又云端坐生腰舉左手右手承右脇鼻內氣七息除瘀血 又云端坐右手持腰鼻內氣七息左右矣頭各二十止除體瘀血項頸痛 又云雙手擗腰手指相對向盡勢前後振搖一七又將手大指向後極勢振搖一七不移手上下對與氣下盡勢來去三七去雲門腰掖血氣閉塞

壓逆隊墮內損候 音責

此為人卒被重物壓逆或從高墜下致吐下血此傷五內故也

腕傷初繫縛候

夫腕傷重者為斷皮肉骨髓傷筋脉皆是卒然致損故血氣

隔絕不能同榮所以須善繫縛按摩導引令其血氣復

被損之瘀血候

此為被損傷仍為風冷搏故令血瘀結在內久不瘥也

腕折中風瘳候

夫腕折傷皮肉作瘡者慎不可當風及自扇若風入瘡內犯諸經絡所致瘳瘳者脊背強直口噤不能言也

腕折中風腫候

此為風入瘡內而不入經絡其搏於氣故但腫也

刺傷中風水候

此為竹木所刺傷其瘡中風水者則腫痛乃至成膿

重刊巢氏諸病源候總論卷之三十六

